

PRAVILA ZA KONSULTACIJE U IZRADI PRAVNIH PROPISA

(Neslužbeni prečišćeni tekst¹)

Član 1. (Predmet)

Ovim pravilima propisuje se postupak provođenja javnih konsultacija (u daljem tekstu: konsultacije) sa zainteresovanom javnošću, po kojima postupaju ministarstva i drugi organi Vijeća ministara Bosne i Hercegovine (u daljem tekstu: institucije BiH) u izradi pravnih propisa (u daljem tekstu: propis) i drugih akata.

Član 1 a. (Upotreba roda)

Izrazi koji su radi preglednosti dati u jednom gramatičkom rodu u ovim pravilima, bez diskriminacije se odnose i na muškarce i na žene.

Član 2. (Definicije)

U smislu ovih pravila:

- a) „zainteresovana javnost“ su privatno-pravna lica (udruženja, fondacije, trgovačka društva, itd.), međunarodne organizacije, neformalne grupe i fizička lica koja učestvuju u konsultacijama u izradi propisa,
- b) „institucija BiH“ je ministarstvo i drugi organ Vijeća ministara Bosne i Hercegovine koji je nosilac normativnog posla,
- c) „propis“ je ustav, ~~međunarodni sporazum~~, zakon, poslovnik, odluka, uputstvo, pravilnik i drugi opći pravni akt čija je izrada u nadležnosti institucije BiH,
- d) „drugi akt“ je strategija, program, plan i drugi dokument javnih politika, ~~uključujući i prethodnu i sveobuhvatnu procjenu uticaja propisa, koji su dio godišnjeg plana izrade propisa i drugih akata institucije BiH~~ **program rada institucije, sveobuhvatna procjena uticaja propisa shodno Aneksu 1. Jedinstvenih pravila za izradu pravnih propisa u institucijama BiH i drugi akt za koji institucija procijeni da ima značajan uticaj na javnost,**
- e) ~~„e konsultacije“ je alatka za provođenje konsultacija sa zainteresovanom javnošću putem posebne web aplikacije,~~
„web aplikacija eKonsultacije“ je aplikacija za provođenje konsultacija sa zainteresovanom javnošću,

¹ Prečišćeni tekst sadrži: Pravila za konsultacije u izradi pravnih propisa („Službeni glasnik BiH“, broj: 5/17) i Pravila o izmjenama i dopunama Pravila za konsultacije u izradi pravnih propisa - **označen kosim i podebljanim slovima.**

Ovaj prečišćeni tekst služi za internu upotrebu i na isti se ne može pozivati prilikom službene upotrebe.

- f) „voditelj konsultacija“ je ~~lice~~ **službenik** u instituciji BiH odgovoran za provođenje konsultacija o propisu ili drugom aktu-;
- g) „koordinator za konsultacije“ je **službenik u instituciji BiH odgovoran za ispunjavanje obaveza institucije u provođenju konsultacija propisanih ovim pravilima.**

Član 2a.
(Obim primjene)

(1) Ova pravila primjenjuju se i na međunarodne sporazume ukoliko to priroda sporazuma dozvoljava.

(2) Ova pravila se ne primjenjuju na pojedinačne akte (akte o imenovanjima i razrješenjima, rješenja, odobrenja, saglasnosti, odluke kojima se rješava pojedinačna upravna stvar i slično) rezolucije i druge akte deklarativne prirode.

Član 3.
(Spisak lica zainteresovanih za konsultacije)

~~(1) Institucija BiH vodi i ažurira na internet stranici popis pravnih i fizičkih lica zainteresovanih za njene normativne aktivnosti.~~

(1) Spisak pravnih i fizičkih lica zainteresovanih za normativne aktivnosti institucija BiH vodi se i ažurira na web aplikaciji eKonsultacije.

(2) Pravna i fizička lica prijavljuju se na spisak iz stava (1) ovoga člana registracijom na web aplikaciji eKonsultacije.

Član 4.
(Koordinator za konsultacije i voditelj konsultacija)

(1) Institucija BiH imenuje koordinatora i zamjenika koordinatora za konsultacije.

~~(2) Koordinator za konsultacije odgovoran je za ispunjavanje obaveza institucije u provođenju konsultacija propisanih ovim pravilima.~~

(2) Koordinator za konsultacije odgovoran je za ispunjavanje obaveza institucije u provođenju konsultacija propisanih ovim pravilima i to:

- a) **koordinira aktivnosti voditelja konsultacija u instituciji i nadzire da se proces konsultacija odvija shodno ovim pravilima,**
- b) **na web aplikaciji eKonsultacije postavlja u plan pravnih propisa sve pravne propise i druge akte koji su u programu rada institucije za tekuću godinu kao i one pravne propise i druge akte za koje se naknadno ukaže potreba njihovog donošenja,**
- c) **dodjeljuje status voditelja konsultacija državnim službenicima iz svoje institucije,**
- d) **nakon završenih konsultacija zajedno s voditeljem konsultacija potpisuje izvještaj o provedenim konsultacijama iz člana 21. ovih pravila.**

~~(3) Ukoliko odlukom, rukovodioca institucije BiH nije drugačije određeno, rukovodilac radne grupe za izradu određenog propisa odgovoran je za provođenje konsultacija o tom propisu saglasno ovim pravilima (voditelj konsultacija).~~

(3) U izuzetnim slučajevima koordinator konsultacija može ujedno biti i voditelj konsultacija.

(4) U slučaju spriječenosti ili nemogućnosti koordinatora za konsultacije da ispunjava propisane obaveze, zamjenik koordinatora za konsultacije preuzima vršenje poslova iz stava (2) ovog člana.

(5) Ukoliko odlukom rukovodioca institucije BiH nije drugačije određeno, voditelj konsultacija je neko od članova radne grupe ili službenik sektora nadležnog za izradu određenog pravnog propisa ili drugog akta. Voditelj konsultacija odgovoran je za provođenje konsultacija o tom propisu na način da:

- a) kreira plan konsultacija za zakonodavnu aktivnost koju mu je dodijelio koordinator konsultacija,*
- b) organizuje konsultacije shodno s utvrđenim planom konsultacija,*
- c) administrira pristigle prijedloge i komentare na prednacrt, nacrt ili prijedlog propisa ili drugog akta kroz proces javnih konsultacija putem web aplikacije eKonsultacije i dostavlja ih radnoj grupi ili državnim službenicima koji su pripremali pravni propis i drugi akt radi razmatranja i pripreme zbirnog odgovora,*
- d) unosi zbirni odgovor na web aplikaciju eKonsultacije,*
- e) s web aplikacije eKonsultacije povlači izvještaj o provedenim konsultacijama po određenom pravnom propisu ili drugom aktu, potpisuje ga zajedno s koordinatorom za konsultacije, te postavlja na web aplikaciju eKonsultacije,*
- f) arhivira izvještaj o provedenim konsultacijama deset dana nakon njegovog postavljanja na web aplikaciju eKonsultacije.*

Član 5.

(Godišnji plan izrade propisa i drugih akata)

(1) Plan izrade propisa i drugih akata, kao dio godišnjeg programa rada institucije BiH, objavljuje se na internet stranici i web aplikaciji eKonsultacije.

(2) Plan iz stava (1) ovog člana sadrži naznaku o tome koji od planiranih propisa i drugih akata imaju značajan uticaj na javnost iz člana 10. ovih pravila.

Član 6.

(Prethodne konsultacije)

(1) Institucija BiH će provesti konsultacije sa zainteresovanom javnošću prilikom izrade godišnjeg plana izrade propisa i drugih akata.

(2) Na osnovu provedenih konsultacija iz stava (1) ovog člana, institucija BiH utvrđuje:

- a) prioritete u donošenju propisa i drugih akata,
- b) moguća rješenja za izradu propisa i drugih akata,
- c) nenormativno provođenje.

(3) Institucija BiH će provesti konsultacije sa zainteresovanom javnošću i prije izrade prednacrta propisa i drugog akta, posebno kada je riječ o propisu i drugom aktu za koji se vrši

sveobuhvatna procjena uticaja propisa ili drugog akta ili koji ima značajan uticaj na javnost iz člana 10. ovih pravila.

(4) Na konsultacije iz st. (1) i (3) ovog člana na odgovarajući način se primjenjuju odredbe člana 7. st. (1) i (2), člana 20. i člana 21. stav (1) ovih pravila.

Član 7. **(Minimalne obaveze u provođenju konsultacija)**

(1) Nakon utvrđivanja prednacrt ili nacrt propisa, institucija BiH je obavezna da:

- a) postavi prednacrt propisa i drugog akta na internet stranicu i web aplikaciju eKonsultacije, s pozivom zainteresovanoj javnosti na dostavu pisanih prijedloga i ~~primjedbi~~ **komentara** u kojem je naznačen rok za dostavu prijedloga i ~~primjedbi~~ **komentara**,
- b) omogući zainteresovanoj javnosti da u naznačenom roku dostavi prijedloge i ~~primjedbe~~ **komentare** na prednacrt propisa i drugih akata putem web aplikacije eKonsultacije,
- c) pošalje prednacrt propisa i drugog akta licima koja se nalaze na spisku iz člana 3. ovih pravila na njihove registrovane e-mail adrese, uz poziv da u naznačenom roku dostave prijedloge i ~~primjedbe~~ **komentare** putem web aplikacije eKonsultacije.

(2) Rok za dostavu prijedloga i ~~primjedbi~~ **komentara** na prednacrt propisa i drugog akta iz stava (1) tačka b) ovog člana ne može biti kraći od 15 dana, od dana kada je prednacrt postavljen na web aplikaciju eKonsultacije.

(3) Izuzetno od odredbi stava (2) ovog člana, rok za dostavu prijedloga i ~~primjedbi~~ **komentara** na prednacrt propisa i drugog akta koji ima značajan uticaj na javnost iz člana 10. ovih pravila ne može biti kraći od ~~30~~ **20** dana, od dana kada je prednacrt postavljen na web aplikaciju eKonsultacije.

Član 8. **(Izuzeci od minimalnih obaveza)**

Minimalne obaveze u provođenju konsultacija ne odnose se na:

- a) izmjene i dopune propisa radi ispravljanja pravopisnih i gramatičkih grešaka,
- b) propise kojima se vrši kodifikacija ili se na drugi način objedinjuju ili reorganizuju odredbe ili se prebacuju u druge dijelove propisa bez suštinskih izmjena.

Član 9. **(Izjava o svrsi)**

(1) Uz poziv za dostavu prijedloga i primjedbi iz člana 7. stav (1) tačka a) ovih pravila, institucija BiH na internet stranicu i web aplikaciju eKonsultacije postavlja i izjavu o svrsi propisa i drugog akta, kao i izvještaj o sveobuhvatnoj procjeni učinaka propisa i drugog akta ukoliko je vršena sveobuhvatna procjena učinaka.

(2) Izjava iz stava (1) ovog člana posebno sadrži listu pitanja koja su, prema mišljenju institucije, od posebnog značaja za propis ili drugi akt koji se priprema i postupak konsultacija, kao i ciljne grupe na koje se propis ili drugi akt posebno odnosi.

Član 10. **(Propisi koji imaju značajan uticaj na javnost)**

(1) Prilikom izrade godišnjeg plana iz člana 6. stav (1) ovih pravila, institucija BiH utvrđuje da li će propis imati „značajan uticaj na javnost“ primjenjujući kriterije iz čl. od 11. do 15. ovih pravila.

(2) Pored minimalne obaveze u provođenju konsultacija iz člana 7., za propise koji imaju značajan uticaj na javnost, institucija BiH može provesti dodatne konsultacije iz člana 16. ovih pravila.

Član 11. **(Propisi koji imaju fiskalni učinak)**

Propisi koji imaju fiskalni učinak imaju značajan uticaj na javnost, kao na primjer:

- a) propisi koji se odnose na prihode i primitke, rashode i izdatke za tekuću budžetsku godinu i naredne dvije godine,
- b) propisi koji se odnose na promjene u rashodima, izdacima, prihodima i primicima,
- c) propisi koji se odnose na promjene u broju zaposlenih,
- d) propisi koji uvode obaveze za budžet (garancije i slično),
- e) propisi koji uvode obaveze za druge budžete i nivoe vlasti (budžetske i vanbudžetske korisnike, kao i vanbudžetske fondove),
- f) propisi koji se odnose na izvore i metode osiguranja sredstava i
- g) propisi koji se odnose na druge fiskalne učinke, ukoliko se procjenjuju značajnim.

Član 12. **(Propisi koji imaju ekonomski učinak)**

Propisi koji imaju ekonomski učinak imaju značajan uticaj na javnost, kao na primjer:

- a) propisi koji se odnose na konkurentnost gospodarstva i priliv investicija,
- b) propisi koji se odnose na privredni rast,
- c) propisi koji se odnose na održivost okoliša,
- d) propisi koji se odnose na postizanje ciljeva društvenog razvoj,
- e) propisi koji se odnose na regionalni razvoj i razvoj posebnih sektora,
- f) propisi koji se odnose na makroekonomsko okruženje,
- g) propisi koji se odnose na tržišnu konkurentnost,
- h) propisi koji se odnose na zapošljavanje u privrednim subjektima,
- i) propisi koji se odnose na investicije vezane za poslovanje privrednih subjekata,
- j) propisi koji se odnose na operativne troškove i poslovanje privrednih subjekata,
- k) propisi koji se odnose na nove ili izmjene postojećih administrativnih troškova za privredne subjekte i građane,
- l) propisi koji se odnose na stvaranje novih javnih ovlaštenja,
- m) propisi koji se odnose na imovinska prava i
- n) propisi koji se odnose na druge ekonomske učinke, ukoliko se procjenjuju značajnim.

Član 13.
(Propisi koji imaju socijalni učinak)

Propisi koji imaju socijalni učinak imaju značajan uticaj na javnost, kao na primjer:

- a) propisi koji se odnose na zaposlenost i tržište rada,
- b) propisi koji se odnose na norme i prava vezana uz kvalitet radnog mjesta,
- c) propisi koji se odnose na socijalnu uključenost i zaštitu posebno ranjivih društvenih grupa ili pojedinaca,
- d) propisi koji se odnose na jednakost u tretmanu i mogućnostima, te zabranu diskriminacije,
- e) propisi koji se odnose na privatnost i porodični život,
- f) propisi koji se odnose na zaštitu ili izloženost ličnih podataka pojedinca,
- g) propisi koji se odnose na javno zdravlje,
- h) propisi koji se odnose na pristup socijalnoj zaštiti, zdravstvenim i obrazovnim sistemima i posljedice za njih,
- i) propisi koji se odnose na kriminal i terorizam,
- j) propisi koji se odnose na korupciju i sukob interesa,
- k) propisi koji se odnose na javnu sigurnost i kriminal,
- l) propisi koji se odnose na odbranu,
- m) propisi koji se odnose na kulturu,
- n) propisi u cilju usklađivanja s pravnim nasljeđem Evropske unije,
- o) propisi u cilju ispunjavanja obaveza koje proizilaze iz drugih međunarodnih sporazuma i konvencija,
- p) propisi kojima se ograničavaju ili proširuju mogućnosti sticanja ili vršenja prava,
- q) propisi kojima se utiče na glasačka prava,
- r) propisi kojima se utiče na prava u pogledu državljanstva ili prava stranaca koji borave u BiH,
- s) propisi kojima se utiče na ostvarivanje sudske i drugih oblika pravne zaštite,
- t) propisi kojima se mijenjaju pravni principi iz prošlosti i
- u) propisi koji se odnose na druge socijalne učinke, ukoliko se procjenjuju značajnim.

Član 14.
(Propisi koji imaju učinak na okoliš)

Propisi koji utiču na okoliš imaju značajan uticaj na javnost, kao na primjer:

- a) propisi koji se odnose na klimu,
- b) propisi koji se odnose na kvalitet zraka,
- c) propisi koji se odnose na kvalitet vode, mora i vodenih resursa,
- d) propisi koji se odnose na kvalitet zemljišta i resursa,
- e) propisi koji se odnose na obnovljive i neobnovljive izvore energije,
- f) propisi koji se odnose na bioraznolikost (biljni i životinjski svijet) i pejzažnu raznolikost,
- g) propisi koji se odnose na upotrebu zemljišta,
- h) propisi koji se odnose na upravljanje otpadom,
- i) propisi koji se odnose na omjer ili vjerojatnoću rizika za okoliš,
- j) propisi koji se odnose na uticaj aktivnosti privrednih subjekata na okoliš,
- k) propisi koji se odnose na zdravlje životinja i biljaka i sigurnost hrane i
- l) drugi očekivani efekti na okoliš, ukoliko se procjenjuju značajnim.

Član 15.
(Ostali učinci)

Prilikom razmatranja razine uticaja na javnost, institucija BiH može u obzir uzeti i druge учинке, kao na primjer:

- a) da li propis predstavlja novinu,
- b) da li je svrha propisa prilagodba novim tehnološkim promjenama,
- c) da li je obaveza izmjene ili donošenje novog propisa rezultat sudske odluke kojom je prethodni propis ili neke njegove odredbe oglašen nevažećim,
- d) pretpostavljeni broj lica na koja se propis odnosi.

Član 16.
(Oblici dodatnih konsultacija)

Dodatne konsultacije posebno obuhvataju:

- a) organizovanje javnih sastanaka ili okruglih stolova sa zainteresovanim pravnim i fizičkim licima,
- b) organizovanje javnih rasprava putem radija, televizije i društvenih mreža, *i on-line digitalnih alata za komunikaciju,*
- c) organizovanje radnih sastanaka s pravnim i fizičkim licima na koje propis može imati osobitog uticaja.

Član 17.
(Izbor oblika dodatnih konsultacija)

Institucija BiH određuje oblik dodatnih konsultacija posebno uzimajući u obzir:

- a) finansijske, kadrovske i tehničke mogućnosti institucije,
- b) procjenu uticaja propisa ili drugog akta na javnost,
- c) planirani rok za usvajanje propisa ili drugog akta,
- d) novine ili tehničku složenost predmeta propisa ili drugog akta.

Član 18.
(Učesnici dodatnih konsultacija)

Institucija BiH će razmotriti koja pravna i fizička lica, pored onih koji su na spisku iz člana 3. stav (1) ovih pravila, može interesovati prednacrt propisa ili drugog akta, te će od istih zatražiti da dostave prijedloge i primjedbe iz člana 7. stav (1) tačka b) ovih pravila.

U takva lica posebno spadaju:

- a) stručnjaci iz akademske i istraživačke zajednice,
- b) mediji,
- c) advokatske komore, pravna i druga strukovna udruženja,
- d) međunarodne organizacije.

Član 19.
(Vremenski okvir za konsultacije)

Institucija BiH može vršiti *dodatne* konsultacije u bilo kojoj fazi izrade sveobuhvatne procjene učinaka odnosno prednacrtu ili nacrtu propisa ili drugog akta, ali će ostaviti dovoljno

vremena za završetak konsultacija, prije dostavljanja nacrtu ili prijedloga propisa Vijeću ministara Bosne i Hercegovine (u daljem tekstu: Vijeće ministara).

Član 20.
(Korištenje prijedloga i primjedbi komentara)

(1) Prilikom izrade sveobuhvatne procjene učinaka, prednacrtu ili nacrtu propisa ili drugog akta, institucija BiH ~~uzima u obzir~~ **razmatra** zaprimljene prijedloge i ~~primjedbe~~ **komentare**.

(2) Institucija BiH prihvata, djelimično privata ili odbacuje zaprimjenje prijedloge i ~~primjedbe~~ **komentare**, uz sumarno obrazloženje relevantnih prijedloga i ~~primjedbi~~ **komentara** koji su prihvaćeni ili odbačeni, a koji su sastavni dio izvještaja o provedenim konsultacijama iz člana 21. ovih pravila.

Član 21.
(Izvještaj o provedenim konsultacijama)

(1) Izvještaj o provedenim konsultacijama na sveobuhvatnu procjenu učinaka, prednacrt ili nacrt propisa sadrži sumarni pregled osnovnih pitanja koja su se javila tokom konsultacija, stajališta koja su u vezi s ovim pitanjima zagovarana od strane učesnika konsultacija, te obrazloženje stajališta koje je institucija BiH zauzela u vezi ovih pitanja.

(2) Izvještaj iz stava (1) ovog člana sastavni je dio obrazloženja propisa ili drugog akta, odnosno izvještaja o provedenoj sveobuhvatnoj procjeni učinaka propisa koje zamjenjuje obrazloženje propisa ili drugog akta.

(3) Izvještaj o provedenim konsultacijama generira se putem web aplikacije eKonsultacije.

Član 22.
(Izjava za Vijeće ministara)

(1) Prilikom podnošenja nacrtu ili prijedlogu propisa ili drugog akta Vijeću ministara na usvajanje, institucija BiH prilaže ~~pisani podnesak kojim~~ **izjavu kojom**:

- a) izjavljuje da su ispunjene minimalne obaveze u pogledu konsultacija shodno ovim pravilima,
- b) izjavljuje da li nacrt ili prijedlog propisa ili drugog akta ima značajnog uticaja na javnost ili ne, te obrazlaže svoj zaključak,
- c) obrazlaže odluku o obliku dodatnih konsultacija koju je donijela i opisuje dodatne konsultacije koje je izvršila,
- d) izjavljuje da prilaže izvještaj o provedenim konsultacijama iz člana 21. ovih pravila.

(2) Izjava iz stava (1) podnosi se na Obrascu broj 1 koji čini sastavni dio ovih pravila.

Član 23.

(Dostupnost izjave i nacrt propisa javnosti Dostupnost nacrt, odnosno prijedloga propisa ili drugog akta)

~~Institucija BiH postavlja na internet stranicu i web aplikaciju e konsultacije izjavu iz člana 22. ovih pravila, zajedno sa sveobuhvatnom procjenom uticaja, nacrtom ili prijedlogom i obrazloženjem propisa ili drugog akta, odnosno izvještaj o provedenoj sveobuhvatnoj procjeni uticaja propisa koje zamjenjuje obrazloženje propisa ili drugog akta koje podnosi Vijeću ministara.~~

Institucija BiH po okončanju konsultacija na web aplikaciji eKonsultacije objavljuje izvještaj o provedenim konsultacijama iz člana 21. ovih pravila i konačan tekst nacrt odnosno prijedloga propisa ili drugog akta.

Član 24.

(Izuzeci od obaveze provođenja konsultacija o prednacrtu propisa ili drugog akta)

(1) Izuzetno, rukovodilac institucije BiH može predložiti Vijeću ministara da oslobodi instituciju BiH od obaveze provođenja konsultacija, ukoliko ocijeni da je takva odluka opravdana zbog:

- a) hitnih okolnosti radi zaštite zdravlja i sigurnosti građana i imovine ili potrebe usvajanja budžeta,
- b) ~~nepredviđene međunarodne obaveze,~~
nepredviđenih i hitnih, neodgodivih međunarodnih obaveza, odnosno obaveza koje proizilaze iz procesa evropskih integracija ili drugih nepredviđenih okolnosti koje je predlagač dužan detaljno obrazložiti (a isti bi imali više štete po institucije ukoliko bi se proces konsultacija provodio),
- c) sudskog poništenja dijela ili cjelokupnog propisa.

(2) Rukovodilac institucije BiH dostavlja Vijeću ministara prijedlog ***zaključka*** za oslobađanje od obaveze provođenja konsultacija, navodeći jedan ili više razloga za izuzimanje iz stava (1) ovog člana.

~~(3) Bez prethodno pribavljenog zaključka Vijeća ministara, ni jedna institucija BiH ne može biti izuzeta od obaveze provođenja konsultacija.~~

Vijeće ministara prije samog razmatranja pravnih propisa i drugih akata na sjednici Vijeća ministara, kao prethodno pitanje, na istoj sjednici razmatra prijedlog zaključka iz stava (2) ovog člana.

(4) Ukoliko Vijeće ministara ne prihvati prijedlog zaključka za oslobađanje od obaveze provođenja konsultacija, nacrt odnosno prijedlog propisa ili drugog akta vraća instituciji BiH radi provođenja konsultacija.

Član 25.
(Odbijanje uvrštavanja u dnevni red sjednice)

(1) Vijeće ministara će odbiti da uvrsti nacrt ili prijedlog propisa ili drugog akta na dnevni red sjednice Vijeća ministara, ukoliko institucija BiH nema popunjenu i pečatom i potpisom rukovodioca institucije BiH ovjerenu izjavu iz člana 22. ovih pravila ili ~~zaključak~~ **prijedlog zaključaka** Vijeća ministara za oslobađanje od obaveze provođenja konsultacija iz člana 24. ovih pravila.

(2) Ukoliko institucija BiH ne dostavi popunjenu i pečatom i potpisom rukovodioca institucije BiH ovjerenu izjavu ~~iz stava (1) ovog člana~~ **iz člana 22. ili prijedlog zaključka iz člana 24. stav (2) ovih pravila**, generalni sekretar Vijeća ministara vratit će nacrt ili prijedlog propisa ili drugog akta instituciji BiH, te joj odrediti rok za provođenje konsultacija shodno ovim pravilima.

Član 26.
(Prosljeđivanje prijedloga ili drugog akta Parlamentarnoj skupštini)

~~Prilikom prosljeđivanja prijedloga propisa ili drugog akta Parlamentarnoj skupštini Bosne i Hercegovine ili Predsjedništvu Bosne i Hercegovine na usvajanje, Vijeće ministara prilaže izjavu iz člana 22. ili zaključak iz člana 24. stav (3) ovih pravila.~~

Član 27.
(Sporazum o saradnji)

Institucija BiH može sklopiti sporazum o saradnji s udruženjima i drugim pravnim licima koja su zainteresovana za njezine normativne aktivnosti, u cilju unapređenja normativnog okvira i prakse konsultacija sa zainteresovanom javnošću.

Član 28.
(Obrasci za primjenu Pravila)

Obrasci za primjenu ovih pravila sastavni su dio web aplikacije eKonsultacije.

Član 29.
(Prestanak važenja)

Stupanjem na snagu ovih pravila prestaju da važe Pravila za konsultacije u izradi pravnih propisa („Službeni glasnik BiH“, br. 81/06 i 80/14).

Član 30.
(Stupanje na snagu)

Ova pravila stupaju na snagu osmog dana od dana objave u Službenom glasniku BiH.

OBRAZAC broj 1 – IZJAVA ZA VIJEĆE MINISTARA BiH

Broj:
Sarajevo,

Na osnovu člana 22. Pravila za konsultacije u izradi pravnih propisa („Službeni glasnik BiH“, broj 5/17), (*naziv institucije*) uz (*naziv pravnog propisa ili drugog akta*), d a j e

IZJAVU

1.	Minimalne obaveze u pogledu konsultacija.	
2.	Obrazloženje zaključka da li pravni propis ili drugi akt ima značajnog uticaja na javnost ili ne, s obrazloženjem.	
3.	Obrazloženje odluke o obliku dodatnih konsultacija i opis dodatnih konsultacija koje su izvršene.	
4.	Dostavljanje izvještaja o provedenim konsultacijama iz člana 21. Pravila za konsultacije u izradi pravnih propisa.	

Rukovodilac institucije
